

清·有嬌血鹿撰

廣文書局印行

五筆
編記

清 秘 史
多爾袞攝政日記
滿州寶錄
司道職名冊

清·有媽血胤撰

五筆
編記

青

秘

史

廣文書局印行

中華民國六十五年八月初版

筆記
清秘史
司道職名冊
多爾袞攝政日記
滿州實錄

精裝全一冊定價：新台幣三二〇元

版權所有
不准翻印

撰者 有 媽 血 胤 等

發行人 王 道 榮

發行所 廣文書局有限公司

臺北市羅斯福路二段九號之三
郵政劃撥二一九九帳號
電話三四一九六六〇號

經售者 全國各大書局

行政院新聞局局版台業字第零捌叁貳號

本書承 國立中央研究院
惠借影印書稿謹此致謝

清秘史叙



予友陳子著清秘史二卷成。書來索序。予思書契以降。君權史權互爲消長。周室初興。詩篇陳於太史。然吾卽三百篇之詞觀之外。陳刑政之苛。內陳宮閤之隱。事涉君親。詞無回匿。殆所謂言者無罪聞者足戒者耶。及迹煊詩亡。春秋繼作。而南史董狐。仗義直書。不避強禦。遺芳餘烈。彪炳古今。秦漢以降。史職多虧。然馬遷著史。力述武帝之非。班固修書。不諱元后之惡。吾意當此之時。史官之權猶足與君權相埒。視後世獻媚工諛者。固有間矣。觀于實晉書力陳晉失使此書成於近代必將談其人而毀其實矣魏晉以還。五胡宅夏。又慮史臣之議其後也。於是假君權之燄。以摧抑史權。觀師或修史於前。趙而劉聰焚其書。趙淵秉筆於前。秦而苻堅去其籍。降及胡魏。文網益嚴。崔浩諸公。至以史臣受戮而魏收穢史。遂以流傳。史臣曲筆自此始矣。嗚呼。魏晉以上。史臣操監督政府之權。魏晉以下。政府操監督史臣之權。然史

權消滅之原。因悉由於胡羌之肇亂。則甚矣。夷禍之可惕也。隋唐以降。監修史書之權。操於勳臣外戚。而史臣無識。曲筆阿時。其所爲。佚聞瑣記者。乃轉出於私家之撰述。觀於白傳如長恨歌之類。諷詩如薛王沈醉。玉溪詠事如薛王沈醉。宮庭穢迹。據事直陳。上之可補實錄之遺。下之猶備宮詞之采。是則官史雖誣。而私史未泯。故易姓而後。文獻未淪。宋明以下。史禁日嚴。及建虜入關。乃日以監謗爲務。事之前於入關者。則明季遺臣之書。刊禁目者。以千數。滿洲初起之事。惟據皇明經世文編所載奏疏若侯先春安遠議馮元成紀邊事以及薛三才王象乾魏時亮熊廷弼之文。可得其大畧。事之後於入關者。則莊氏之史。吳潘之書。中藻之詩。南山之集。莫不誅連宗親。戮及枯骨。而所謂一代之事實。遂湮沒不傳。即其一二流傳者。亦大抵出於佞臣之手。以委曲失真。嗟乎。中國之所謂歷史者。大率記一家一姓之事耳。若滿清所存之史。則並其所謂一家一姓事者。亦且文過飾非。隱惡揚善。而逢君之惡。如紀昀復撫史通鱗爪之文。以爲隱飾。君親亦臣子之大義。見史通曲筆篇此論一興。直道不存。清議浸息。顛倒是非。紊亂白黑。邪臣之罪。豈可宥乎。雖

然當彼修史之時。亦自謂掩耳盜鈴。可以助愚民之用。然遐方記載。

如日本人所著明書目記

諸書是又西書亦有記其事者

故老傳聞事有不同。言多微實。非所謂來者難誣。欲蓋彌彰者耶。今

清秘史一書。仿古人別史之體。雖掇拾遺聞。間多未備。然胡庭機迹。賴以彰聞。

則世之奉虜酋爲神聖者。觀此亦可自反矣。顧吾猶有進者。龔仁和有言。滅人

之國。墜人之枋。絕人之材。湮人之教。敗人之綱紀。夷人之祖宗。必先去其史。

兄古

史鈞

沈論。今中國之史。陋於胡寇幾三百年。儼仿所南修北史之例。

見心史古今通論言北史之名實際

爲胡史修改其書遂其僭用天子制度等語

而參以野史之瑣聞。則清史之成。必有計日可待者。是在陳子

勉之而已。黃帝紀元四千三百九十五年甲辰季夏光漢子叙

清秘史叙

吾友有嬌氏著清秘史既終。馳函不佞。俾爲之叙。不佞不敢辭。弁數言于卷首。曰。嗚呼。吾民族之無國。二百六十一年。于茲。吾民族之無史。亦二百六十一年。于茲矣。燕京破。國初亡。金陵破。國再亡。福都破。國三亡。滇粵破。國四亡。台灣破。國五亡。洪水忽來。劫灰終燼。銅駝荊棘。披髮伊川。民族末路。其如是矣。而諸臣媚子。喪心病狂。秉筆大書。必曰。我大清龍興東土。入主中華。某年月日。全土悉平。夫誰實握管。以紀祖國之淪亡也。抑吾又思之。二百六十一年來。無史者。非獨我漢族也。彼胡族。亦何嘗有史。蒼狼白鹿。賤種流傳。機德腥聞。匪朝伊夕。自努兒哈赤以迄載濤。或陰狠殘殺。或痴頑不慧。何一非犬羊劣種之代表。徒以遭坑儒焚籍之餘。能言者。眇而一時煌煌鉅典。出現于世者。又皆奴性獨深。堯舜民賊。而唐虞虜朝。黑白混淆。是非顛倒。全國皆魏。收舉世無崔浩。彼著十一

朝東華錄者豈獨負大逆不道之罪名于祖國抑亦非胡族之信史矣。今有僞
氏所著網羅佚事組織舊聞振筆疾書無婚顧忌如禹鼎之鑄奸如溫犀之照
影而胡族之真相虜酋之凶德迺大白而不可掩是故讀此書者雖甚頑嚚當
亦恍然悟深仁厚澤之非乎不佞近亦有中國滅亡史之輯欲以辨明種姓分
析華夷爲民族主義鼓吹之一助夫唯中國有史而後人人知秉特權握高位
者之爲匪我族類唯胡族有史而後人人知烏獸行者之不可一日與居雖有
盲史亦不復能以隻手掩盡天下目矣譚嗣同有言曰。彼其文字之冤獄凡數
十起死數千百人。違禁千礙書目。凡斃千百種。並前數代君宋明之書。亦在禁
列。文網可謂至密矣。而今則莫敢誰何。故天命去則虐餓自衰。無可畏也。嗟我
民族。曷起而殲此將亡之虜乎。黃帝紀元四千三百九十五年六月棄疾子叙。

清 秘 史

上卷 目次

滿州世系圖表總序

滿州世系圖并序

滿州世系表

二百四十年間中國舊族不服滿人表并序

滿洲職官前後異名表

下卷 目次

佛庫倫不夫面孕

滿州先世事略

奴酋用美人計以併吞各部

奴酋文書之狂悖

袁督師與皇太極書

皇太極通州安民告示

漢奸慘報

洪承疇降虜始末記

建虜人關手段之變遷

金之倭限制滿州策

多爾袞之盜嫂

福臨命樂工歌萬古愁以侑食

滿人不愛漢土之證據

玄暉納其姑爲妃

胤禎築雍和宮以供奉淫具

胤禛之篡位與血滴子之利害

弘曆非滿種與易服色之不成

下江南之苛求與其暴虐

沈歸愚爲乾隆捉刀及其戮尸之原因

和珅查抄事略

林清闖宮始末記

安得海之嬖倖

載淳夭折之原因與立嗣之實錄

那拉氏虐殺兒媳之原因

咸豐嫡妻鈕祜祿氏致死之原因

載灃之癡狀

那拉氏逸事

管供奉小傳

滿洲人之賣娼

滿洲人之落魄

滿洲人之盜劫

滿洲人之詐騙

附錄

吳三桂借兵始末記

吳三桂殲明之原因


永曆皇帝遣吳三桂書

吳三桂反正之檄文

清秘史目次終

清秘史卷上

有嬌血胤著



滿洲世系圖表總序

自玄鳥生商之旨荒。

詩正義曰殷本紀云契母曰簡狄有娥氏之女也爲帝嚳次妃三人行浴見鳥墮其卵簡狄取吞之因孕生契契長而佐禹治水有功帝舜乃封于商諡釐王莫此爲

其殊不可解

厥後人主代興其生也必託諸離奇瑰瑋妖妄不經之事以徵帝王受命

之符。意謂神器大寶固未易嬰。而天子秉賦。洵有所特殊也。不知人之所貴乎。

萬物者爲能自別于禽獸耳。故婚媾不尚同姓。烈女不更二夫。律有懲姦之條。

俗賤私生之子。蓋古昔聖人所以維繫神皋保持血統斤斤然以別人于禽猶

之乎。其別華于夷俾母相干凌意至深法至嚴也。惟上古艸昧人倫未備牝牡

相逐離合無常故墜地之後往往知有母而不知有父。

斯賓塞社會學原理云恩達門民族於小兒方離乳男女之結合即

解故忘却父子之關係而于母子獨歷久猶能記憶然則原人時代之中國其情形畧可觀矣

甚至妃耦骨肉聚墮門庭。

如日本內親王是也

當其狂榛固

不足責。迨乎文明聿啟。禮化覃敷。爲君師者。躬樹之鵠。必自克居純全之域。然後可及乎人。而母俾扞格。故夫倫理之際。容未足以垂訓。將來則不得不託爲神靈。天帝之奇。自文猥陋。說文姓字下云古者神聖母感天而生子故稱天子又案神農黃帝類俱同姓爲婚而帝王世紀爲遠史記載謂其威精氣以生蓋諱之也其用心至苦。固由夫類族辨物之道。窮而變通出之原。未可加之議也。漢曰殷周以來知同姓婚姻之失。禮于是創爲履敬感生之說。以託之神奇名爲尊祖實則諱其惡也其說頗當後世帝王挺身草野。光明磊落。以有天下。既無同姓爲婚之嫌。又非夷狄亂華之機。乃其臣僚不識大義。筭爲國史。必欲牽強附會。離人就。或炫蛟螭蟠腹之祥。或徵虹霓繞身之異。承謬襲譌。譌先後踵接。甚至東胡賤族。僭盜中原。乃亦文飾臆造。自誣所出。推其究竟。則固莫非籠絡愚民之計。而視君位爲其私產而已。不亦謬哉。予讀滿洲史。見其先世事與殷本紀類。竊獨怪之。夫殷周之祖之所以俱流于怪誕者。原非其孝子仁孫之本意云然。乃左道妖人比附大雅。商頌之文。故造識緯以惑世誣民。不足信也。詩毛傳云春分玄鳥降湯之先祖有娥氏女簡狄配高辛氏帝帝率與之祈于郊禘而生契故本其爲天所命以玄鳥至而生焉又其釋生民詩亦同義釋明晰乃鄭玄難引識緯之說以掩塞毛義陋哉契母。

祠。郊。祿。以。弗。子。詩生民以弗無子箋云弗之言祓也姜嫄之生后稷何如乎乃禋祀上帝于郊祿以祓除其無子之疾而得其福也猶。孔。母。禱。尼。邱。以。求。嗣。皆。少。女。配。老。夫。者。所。不。得。已。之。隱。衷。也。家語徵在自以年少而夫老懼弗生子乃禱于尼邱之山又馬融謂帝嘗有四妃上妃姜嫄生后稷次妃簡狄生契次妃陳鋒生帝堯次妃娥皇生帝舜最長次堯次契下妃三人皆已生子上妃姜嫄未有子故禋祀求上帝大安其祭祀而與之子任身之月帝堯崩崩後十月而后稷生蓋遺腹子也然則姜嫄簡狄必皆少女可知矣值。春。燕。以。來。時。喜。孤。鵲。之。將。殿。又。爲。人。父。母。所。甚。忻。道。而。極。感。念。者。也。故。契。父。帝。嚳。而。母。簡。狄。詩。書。載。之。非。荒。渺。也。若。滿。洲。之。所。稱。述。其。果。出。于。誰。氏。之。系。耶。夫。以。實。攷。之。彼。固。明。明。女。真。之。苗。裔。也。而。必。遁。于。怪。誕。者。豈。其。血。統。猶。非。胡。金。之。流。衍。而。別。感。于。其。他。孽。氣。耶。鄭所南心史古今正統大論云四裔之外素有一種孽氣生爲禽獸如毛人國猩猩狗國女人國等其類極異決非中國人之種類開闢以後即有之謂黃帝之後夏后之後則非也夫中國無不夫而孕之子著見者大抵由其育于母族耳孔子少孤不知父墓若在女統之血系時代早以改從母姓所幸當時已歸男統爾而北狄有出于犬種之文說文狄字下云赤狄本犬種狄之爲言淫辟也孔子曰貉之爲言惡也莫白切彼佛庫倫之所娠其殆與狼鹿爲之耦乎元朝秘史卷一云當初元朝人的祖色的鹿相配了同渡過騰吉思名字的水來到於幹離名字河源頭不罕兒名字的山前住着產了一個人名字喚作巴路赤罕又隋書突厥傳云有一兒年十歲墜于大澤中有牡狼每銜肉至因以不死其後遂與狼交生十男又通典云高車或云其先匈奴之人也匈奴單于生二女姿容甚美單于曰此女安可配人將以與天乃于國北無人之地以高臺置二女乃有一老狼晝夜守臺嗥呼經時不去其小女曰吾父以我與天而今狼來或是天處我也

乃下爲狼妻而產子係遂滋
繁成國皆與狄爲獸種之證
故條其世系列爲表俾我黃帝之子孫覽焉。